

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin là vie da l'Edicola e là dai Tabacchini in Marciavieri, in piasse Contarene e in Borg di S. Bartolomeo

REDAZION: su la fontane di piazze Contarene — AMINISTRAZION: su la fereade de Vigne
Par altri Florean al si lassará ciatà, quand che sovente, in Stamparie Jacob e Colmegne.

Tiradure 5,000 copils.

Avis di Florean.

E ves di savè che masse seciadis mi capitin ogni di parcè che uelin abonassi al Florean. Stuff di, cheste insistenze o viarz 'l'abonament a quatri francs ad an, franc di puart a domicili. — No si acetin abonamenz di manco di sis mès, che, par consequenze e costaran doi francs. Domandis cul indirizz just e cui bez (si acete ance ciarte) mandàlis a l'Aministrazion dal s'uei Florean dal Palazz — Udin.

Ai abonas par un an i sarà regalade la gran Strene di Florean.

Drentri di chest'an e ha di vigni fur la

STRENE DI FLOREAN dal Palazz.

E sarà qualchi ciosse di strepitos, di mai sintut, che farà epoche. E sarà un spieli de veretat, dal bon umor, de sà-tire fine e gustose. E no costarà che cinquante miserabii centesims. I prins scritors di furlan, i plui spiritos, e colàborin in te Strene di Florean. E ha di jessi il *non plus ultra* dal genar. E vedares, e vedares!

Intant no us dis nujaltri. Par joibe

vott o speri di podè daus i titui di dugg i lavors che saran mituz in te strene miracolose che ha di vè la virtut di uari i malaz e di risuscita i muarz. Robis di chell altri mond! E dutt par cinquante centesims: une miserie di fài vergogne ai clàss!

Ma par uè baste!

Florean a l'Espusizion

Veramentri no Florean, ma pitost si doveress di Marie Luigie a l'Espusizion, parcè che mi ha tant tormentat chesg dis che benedete femine, ch'o hai seugnut contentàle. O le hai menade ance je a viodi l'Espusizion, Orpo! e jè restade inciantade. No la finive mai di berlà biell chest, biell chest'altri, tant che jò squasi squasi o deventavi ross vidind che dugg nus cialavin. Jo po', che o vevi spindut i miei bras bezzuas par menàle, o volevi profità de ocasion, par sinti la so upinion su i lavors des feminis e o fasevi di dutt par tiràle di che bande. Ma si! je dure a olè cialà dutt, dutt smirà che no la finive plui. Quand che Dio olè, o rivarin finalmentri dula che mi premeve. La prime robe che nus capità sott i voi e fo une bieie vetrine, cun drentri tantis rosis fintis, e parsore scritt, cun dute pompe: « Istituto Uccellis ». Cir di cà, cir di là: « Po' isal dutt chest chell ch'al ha esponut il Colegio Uccellis? » e domandà Marie Luigie. « Siorè si al è cà dutt. » al respuindè il uardian. « Fogo! di bio! par un istitut ch'ai coste 18 mil francs ad an al comun, se nol sa dà di mior, ben spinduz chei bez! » e berle Marie Luigie. In chell, un ch'al passave al dià: « Eco, siorè; e son ben altris i vantazz ch'al dà il Colegio Uccellis. Mette par nuje l'onor ch'a si ha di mantignì di sioris e cun d'une buine pae par zonte Direttrice e Maestria, dutis forestis, vignudis fur di chei pais dula che nass la int cu la scienze infuse, par vigni a civilizanus no-altris puars basoi? ». Marie Luigie, persuadude, no oisà a rispuindi e, voltansi, e petà squasi il nas t' une barache oh'e jè lì tal miezz de sale:

« Ce, ce dal diambar isal cà? un casoto di purindine? » — No Mie! i dsei jo, cheste e je la piante de Citat. » — « Cui le hà fate? » — « Oh! tu pretindis di savè masse tu. E je mitude cà come che la vessin fate lis scouleris des magistrals. » — « E chei zugatui che son parsore? » — « Tas! E son ciasutis. E ches po' lis han propri fatis lis scouleris des magistrals. » — « Po', Florean! » — « Mie? » — « Parce no insegnino a zujà cu la pipine! » — « No sul jo vèh! Dal rest, cui sà » — « E ca ce robe ise? » — « I lavors des scouleris magistrals. » — « Uhm! Ce erodino di vè fatt cà? Dissens di ornat par recams e par merlos? Ah! puaris ches frutis che passin par ciartis mans! Dula isul il bon sens di fai buta vie il timp a fa' un dissens cu la sbiace? E po', cialè, Florean; e han il coraggio di clainaj ornat a di ches cì! Ornat di co-stil? dal stil dal viar solitari forsi? Oh! puare mai me! Ma nol è nuje di dissegnat cà jenfri mè! Al è dutt fatt a fuarze di calchiu. » — « Mie tas, Mie! Ceustu che disia chei ch'a ti sintin a sberla cussi? » — « E cemud astu ch'o pœdi tass a viodi cheste razze di robis? Oeh! ceh! po' un tapet fatt a fuarze di tacons! Po' ise robe di esponi? anca s'al foss biell e ben fatt e di bon gust? che nol è. E chesg lavors in blanc? Joisus! Dute robe plene di puntinis e di guarnizions, di ches ch'a si comprin, e nuje di biell di ben lavorat. E chei recams lu sede? Oh! cheste po' i ti dute! A mi han fatt il mio ritratt e chell dè Regine. » — « E no ti pariat ch'a sein ben fazz? » — « Ben dissegna, tu us di tu; parce che il recam al è un pastizz di ponz lunga une nile. Cialiu donge mo, no viostu che il pitor al ha seugnùt just dopo cul lapis? A dâi une freade cul fazzolett a restaressin bie! E ches dos papuzzis, recamadis in sede a colors sul pano neri, no ti visistu di velis vidualis dal 80 a la espusizion de Societat Operae, che veve la di Lene par mestre di lavors, in ta che volte? E chesg merlos cà? Ce distu, ch'a sedin chei che chell puar Frigerio di Como al è rivat, dopò mil strussis, a fassai pajà de pantianate Vinars ch'o jerin al dis di ches mes. » — « No sai ce che tu us di, jo. » — « Po' no ti visistu che se no lu pajave al la veve minaziade di fà meti sun dugg i sfuels l'afar dai merlos? » E disind cussi e sberlave tant che dute la lut e si fermave. Jo ch'o mi tignivi mal apajat o ve' il miò ce fa' e il miò ce di a menale vie, e o hai zurat che no la meni plu' in nissun lug, parec che on la so lengate e mi fas fa brute figure.

Leterature di Florean.

A Sior Jacumin.

Sior Jacumin! la prei
ch'a i disi al so scribatul di buteghe
che jè ore di finle
con cheli slungia la man
sun dutis lis frutatis, par testa

se han tele fate in ciase
palpe ob, palpe la
cialait se si pò dà
cialait ce brutt vilan!
cialait ce fioi d'un cian!
cialait ce orangotan!!!!

Corispondenze di Florean.

Cividat, ai 14 di Avost.

Mastrilli, avind declarat ch'al si farà gratà il barbuzz e ch'al varà un altri contegno pal avignl, par cheste setemane lu lassi in pas.

Une di de setemane passade, 4 o 5 original di chell borg ch'a son dugg o filandira o sensai, sott gnott, a partirin par un dat sit, muniz di stole e di messal, par sconzura il diaul e savora fur i boros ch'al ha scuinduz Pick, prime di lassà Rualis A tornar in a ciase, che ben s'intind, out nas gotant, e un lo hai viodut jo ch'al veve ancimo, tal doman al fazzolett in man.

Ch'al sedi stat un scherz, o une robe ciolte sul serio, jo no podaress diti; chell che o sai nome al è che fin de comitive, ch'al fàs il scusse cristians, tal doman al veve une sachete di ongiars ch'a jù mostrave a di chell sior grues ch'al sta in somp de vile.

Il fornitor dai soldaz al cica è al ciche immo, parce che no lu han clamat in compagne in zornade o speri che la vedi capide.

Chenzit al è un zovin di panine, corte grues ch'al liveiss continuamentri cuintri dal Florean. Al disè nujemanco che se lu metin lui sul sfuel, al ven a Udin par savè cui ch'al è, po' al torne a Cividat a scapelotàlu... Masse ce fa! — Puarett, nol sa forsi che la cresime al pò dâle nome i Vescul? Al è sozio de ginastiche, ma nol sà tirà altri che... la campanele par là a durmì. Manco mal.

Sta ouzzo tambur, pal to miei!

O hai pò la storie di quatri barbuzz, par joibe vott.

* * *

Codroip, ai 15 di avost.

Tre peraulis, nome tre, sun Pauli, ce ch'al jere prime dal 48, dal 48 e dopo dal 48. Pauli, prime dal 48, al jere un puar pupil fi di famee. So pari nol jere erodut di nissun banche par une lire di farine ad imprest, in dutt il pais, par fa la potente. A ches pari, in d'one circostanze di timp plojos, i jè tociade bielet! Intant che al mangiave pan e saradele in ciase di mestri. Clandid, il so paron di ciase al mandà i muradors a tirai vie i cops dal cuviart, par falu s-ciampà fur, parce che nol pajave mai il affit, e i fasè anca meti sotto il puarti chei quatri pezzoss che al veve; Pauli al pative di ches fans porchis, e in ches zornadis che nol veve con ce fà di colazione, al doveve cioli su il vergon e la parussule, là in compagne a osela (e prea il Signor di ciapa) par podè vendi lis parussulis e comprassi un boccon di pan, e cussi parà vie la fan. Dal 48, out sò savè

Da la zae di Florean.

dale ad intindi, al è stat nomenat major de guardie civiche; al ordenà che famose spedizione cuintri dai croazz, dula ehe han scugnùt lassà in tai fossai bandiere e crocifiss, e par difindisi lui, a i dè la colpe a pùar *Agnul*, disind ch'al jere spie todes-ce, e lu comprometè talmentri che a furor di popul oievin lapidalu. Vidind che i croazz e tornavin, al scindè te roe la cassè dal pais, e al metè dol siei amis a nardiale; e cun dutt a chest no si sa cemud che sei che jè stade puartade vie. Tornaz i todeschs al volta bandiere e al si fasè coleghe cul general *Gulgi*, informantu di dutt ce che i talians e fasevin, comprometind plui di qualchidun dai siei amis.

Dopo dal 48 cul so savè dale ad intindi, cul imbrojà Tizio e Sempronio, cul mandà in malore il tierz e il quart, cul menà pal nas, i puars stupids, a spesis de societad, in uè al si è fatt milionari, e ancimò al ciate cun tantis che an d'ha fatis i mamos che i crodin.

Glemone, ai 16 di Avost.

No ise une robe che scandalize il sens comun, e che a vignaress voe di di chell che no si varesa di di, a viodi un mar di ogni industrie, e a montagnis di robe fate besol, di no mandà nance un fazzolett a l'espusizion de nestre provincie? Ce vevial pore chell grum di millions, di vè bisugne di jessi nardiat, di pore di fai gole e citat, o di piardi il cavalierat e diventà un bigutt?

Puars no, se dugg e fossin come chell grum di ledan; in dula laressial il progress a finile, e il comercio?

O stin contenz inates, parcè che al è tornat l'ufizialutt *in forza a lagrime genitori genitrici* e che al riniediarà al mal fat, olin spera.

Pordenon, ai 14 di avost.

Pòc lontan di cul al è un predi cul grad di Plevan, che al si clame Alberto da Zoppole, il qual nol pò fa di manco di intrigasi in durtis lis questions. Il so contegnò al è in contradizion continue cun chet principis che devin vè chet che si, consacrin al sacerdozio. Seben che al è zovin ancemò, si podares scrivì un romanzz sùr lui. Infazz chest predi, in te so parrocchie, al fas il miedi, l'avocat, al dopre cuarde e savon, al negozie in grans e ance in ce sao jo ce; in tes elezioms al si sbrazze di ch e di là, in mud di menà ator ju eletors plui furbos. O lassì ai letors che asin lor il judizi sùn ciarz individuos che tal non di Crist e predicin la so persaule e che dovaresin doprà la pale invezit dal breviari.

Pre Luigi

Il puar prof. Mastie al faseve di dutt ohest setemane passadè par persuadè il Consei provincial di nomenà president Zuanutt Global. Usat Mastie a fassì persuadè dal apuestul Pauli, nol pò fa di mancul di usà che mignestre instesse quand che al fevele sul Consei provincial, tant che se ohest al foss componut di fruzz che vedin biangue di fassi dà la pape, in boca. Come omp conciliativ nol è mingo ce di veramentri; parcè che cun dutt che Zuanutt al è confradi dal Santissim — ohei che metin su che robone rosse cu la placche d'arint sul stomit e cul ciandelott in man — al fo bon, pardiane di die, al Consei provincial di fai l'orazion funebre a chell sant omp ch'al fo Garibaldi. E son bogns testimoni Pauli, il cont Mondin e Carlutt Maniago. Si sa che Mastie al dis l'upinion di San Pauli, e che Zuanutt Global al è omp che i comude a Paulin. O scomett la me covertorie, e magari qualchi robute donga, che Mastie nol proponares mai Tonin Prampar a president! Ai umin di caratar ciartis bandieris di ogni vint no i plasìn.

L'avocat Gigin Carlutt Schiavi, visitand la mostre dal Risorgiment nazional, i disè a doi siors che al vevè in so compagne, mostrangi il ritratt de mari dai Cairoli: « Cialait ce che metin fra lis robis dal Risorgiment! une femine! »

Dute l'Italie e sint une venerazion par Adelaide Cairoli, che merte indicade par esempi es maris talianis; ma cussi no la pense chest avocat e al ciate di ridi e di fa ridi denant de immagine di che sante femine! Ma no è di ce dassi di marave dal moment che al ha cistat di meti in ridicul al Consei Comunai la lapide Grovich e i sottoscritors e che in t'un banchett alpinistich, chest an passat, al ha fatt un brindisi al imperator d'Austrie. E chest biell tai di garibaldin e volevin consegnanusal deputat di Udin!

O l'hai sintut a contà che in borg di Trepp, propit infazze dal Zardin d'infanzia, al si inmalà un frutin cu la scarlatine e cul *crup*. I genitori e clamarin un miedi, ch' a lu visità, al spacà il cial e al lè vie brontoland, dopo di ve ordenade no sai ce potorie. Spaventaz, pari e mari, clamarin drentri un altri miedi, ch' al passà pòc dopo par cumbinazion. Chest al visà la puare int che il cas al gre brutt, ma che lui nol podeve, par delicatezze, assumisi la cure senze il permess dal prin miedi. Il prin miedi, co i fo contade cheste part, nol olè savend nè di dà il permess, nè di visità il malat; chell altri al stè durte so delicatezze e intant il bambin al muri. Se foss propit cussi come che me han contade, e saress unmont brute; ma jo, par l'onor dai miedis, no puess credile.

FLOREAN DAL PALAZZ

E mi par po' ane gruesse che, che si vevi lassat il cadavarutt di quell puar bambin in ciase, cui balcon viarz, plui di vincequatri oris, come s' a si vess tratat di une malatie qualunque, in timp ch' al jere muart di scarlatine e di *crup*, e cun dutt che in fazzade e fossin a scuele i fruzz dal *Zardin*; paraltri, dopo che il cadavarutt al fo' puartat vie, a si visarin di faju restà a ciase.

La Patrie dal Friul di ir e scomenzà a publicà l'elenco dai premiaz a l'Espusizion. A covente di che il sfuei dal professor Mastie al vevi dai gran meriz, se al gioit il privilegio des comunizacions ufiziosis dal Comit. Puar Florean no si han degnat, nè di invidàlu, nè di fà savè mai nùje. Al è ver sì che un mong dai giuraz e vevin scomenzat, sintonemai di lunis, a squacará ator pe citat ce ch'a vevin fatt e a cui che i varesse tociat la mèdae. Eviva la secretezze!

Sbuelzutt (no il Segretari dai Reducis) an fas simpri des sòs! La sere de serenade ai soldaz che son lāz a Padue e vevin mitut un bengal sul miò pìdestal. Voleso crodi? Sbuelzutt, che se al podess viodimi muart al tatarass, al capità dutt furios a parà vie il puar bengal; ma al ha vut il so premi, parcè che dugg lu fis-ciarin ben e no mal. Che Sbuelzutt al fass come la tabacchine, che scomenza a stā... crijete!

Meni muse al è proprit muse! Za seris lu paravin fur di Teatro Sozial parcè che, come il solit, al vevè scritis insolenzis cuintri un artist. Crodeso voaltris che se vedi vude par mal? Meni muse al dis: «Questi musi no diventa rossi.»

Che! puars fruzz che vadin a Vignesie ai bagnos marins, domenie stade e vevin di tornà a Udin e dutis lis fameis e jerin a la stazion a spietaju cun tant di cur. Ma inveit no rivarin altri che tal indoman es dis, e intant i puars genitors, qualchidun al jere vignut ane di lontan, e doverin tornà a ciase come che jerin vignuz. Parcè hano di sucedi di chesg inconvenienz?

Ance i premis ai espositors di vacis, manz e ciavai e son staz dāz propit ben. Sun chest afar mi contin che chei di Lumignà, come ogni volte, e vevin esponut de bielissime robe. Canonè, cussì e disin, al par che il Giurì vess stabilit di no dā premis a chei di Lumignà, parcè che e jere ore di cambià. Biele reson chesto! Si hajal di premis se cond il merit opur a caprizi? Mi contin di plui che il judizi dal Giurì si lu saveve prime anemò che il Giurì al foss riunit e al vess vidude la roba! Ce us pariat che chei di Lumignà, simpri premiaz, no vedin reson di lagnassi? Jo o dis di sì!

Un pastizzir da Udin al ha mitut a l'espusizion tre pastis dolzis e un platt di pomis di zucàr. Une di ches pastis e portave par titul *Pasta Egiziana*. «Fogo di bio! al disè un, co la vedè; «ce dal diambar si impensàiso di puartà ch' une «paste dal país dal coléra? «Il pastizzir, spaventat, al cambià il cartelin, e la paste *Egiziane* e diventà paste *Romane*. Jo par altri no mi fidaress di chest cambiament di batisin. A che puare paste i reste simpri il peciat original e a coventaress almanco di metile in quarantene. Eco, se uellin, che me consegnin a mi, senze responsabilitat, e o garantiss che dopo no i podarà fà mal a di nissun.

Continue tal buteghin in Puscuell, di pomis e aghe di vite, il sisteme di scuedi cul meti sul balcon chest genar di avis:

Avviso — M..... L....., moglie di un Facchino di Giacomelli di pagare C.mil 30 per frutta somministrata alla di Lei figlia dietro permesso della Cara Mammina.

Un Cittadino dell'Italia Libera.

Ce haal il leon che al ruze in che maniere? Al domandà Vinturin a Florean. Al passè Faine, che il folo ti scuissal rispundè Florean, e cumò, cun doi leons che son su la piazza al va a dovèntà un afar seriott pes alis dal veladonne di puar Faine.

Continuazion dal Elenco dai confradis dal santissin Sacrament: Coletto Angeli, Ustin Avost, Zuan-Marie Battistelle, Carlo dott. Braide, Bepo cav. inzegnir Braidott, Toni Bianchi, Pieri Baraz-zutt, Agnul Brugnere, Lurinz Bianchin, Zaneto Clay, Noni march. Collored, Pieri Capellaris, Gigi Caruss, Jacum Capellaris, Coletto nob. Caimo-Dragon, Ciriaco Comell, Gigi Cirio, Toni Graiuz, Checo Cardine, Jacum Comino, Noni Cianton, Bepo Comuzz.

SERVIZI TELEGRAFICH PARTICOLAR di FLOREAN.

Cividat, 18 (ore di cioche) Orsutt al vè la costituzion — Miarous al fo gran banchett al Caffè dall' *Irredente*. Il scia-vazat e sozios a brindarin alla prosperitat di dutis lis feminis piis. Annunzie letors to corrispondent telegrafich durmarà fin dopo elezioms. Mande bussadis amīs e nemīs.

GUIDO ANTONIOLI, garent responsabil.

Udin, Stamparie Jacob e Colmegna.